



Broj:03-828/22  
Sarajevo, 13.09.2022. godine

Na osnovu člana 20.a Zakona o radu („Službene novine Federacije BiH“, br. 26/16 i 89/18), čl. 3, 6. i 7. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj 19/21 i 10/22) odredbi Pravilnika o radu broj: 01-609U.O/19 od 04.07.2019. godine, zatim odredbi Pravilnika o izmjenama i dopunama Pravilnika o radu broj:01-382/22 od 26.04.2022. godine i Odluke Vlade Kantona Sarajevo o davanju saglasnosti za popunu upražnjenih radnih mjesta na neodređeno vrijeme u Kantonalnoj javnoj ustanovi za zaštićena prirodna područja broj: 02-04-22299-16/22 od 02.06.2022. godine, direktor Kantonalne javne ustanove za zaštićena prirodna područja objavljuje

## **JAVNI OGLAS**

### **za prijem radnika u radni odnos na neodređeno vrijeme**

#### **I NAZIV RADNOG MJESTA**

**1.Radnik na naplati ulaza u područje Spomenika prirode “Vrelo Bosne” 3 (tri) izvršioca**

#### **II OPIS POSLOVA**

Obavlja poslove naplate ulaza u zaštićeno područje koji uključuju izdavanje ulaznica i karti kao i fiskalnih računa posjetiocima. Vodi brigu o stanju zaduženih blokova, ulaznica i karti, te adingrolni na terenu. Vodi brigu o ispravnosti fiskalnih kasa, te redovno izvještava šefa Službe. Vrš redovno slanje dnevnih izvještaja prema Poreznoj upravi Federacije Bosne i Hercegovine, te zaključivanje fiskalnih kasa. Brine o sredstvima rada. Obavlja i druge poslove po nalogu šefa Službe. Za svoj rad odgovoran je šefu Službe.

#### **III OPĆI USLOVI ZA RADNO MJESTO**

- da je državljanin BiH;
- da je punoljetan;
- da nije otpušten iz organa državne službe kao rezultat disciplinske mjere na bilo kojem nivou države ili entiteta u periodu od tri godine od dana objavljivanja javnog oglasa;
- da se na kandidata ne odnosi član IX.1.Ustava Bosne i Hercegovine;
- da se protiv osobe ne vodi krivični postupak i
- da je zdravstveno sposoban za obavljanje poslova predviđenih radnim mjestom.

#### **IV POSEBNI USLOVI**

- SSS – III/IV stepen sa završenom srednjom školom i
- najmanje šest (6) mjeseci radnog staža na istim ili sličnim poslovima nakon sticanja SSS-a.

## V OSTALI PODACI

### **Period na koji se zaključuje ugovor o radu, mjesto obavljanja rada, radno vrijeme, probni rad i osnovna plaća:**

- Period na koji se zaključuje ugovor o radu: Radni odnos na neodređeno vrijeme;
- Mjesto rada: Spomenik prirode „Vrelo Bosne“, ulica Vrelo Bosne broj 61, 71 210 Ilidža ;
- Radno vrijeme: 40 sati sedmično;
- Probni rad: u trajanju od tri (3) mjeseca;
- Osnovna plaća: 792,00 KM.

## VI OBAVEZNA DOKUMENTACIJA

Kandidati su obavezni dostaviti svojeručno potpisanu prijavu na Javni oglas sa kratkom biografijom i obavezno naznačenim ličnim podacima (jasno napisano ime i prezime, adresa stanovanja, telefon i e-mail adresa) u zatvorenoj koverti.

**Pored gore navedenih ličnih podataka prijava na javni oglas obavezno mora sadržavati traženu dokumentaciju u originalu ili ovjerenoj kopiji ne starijoj od 6 mjeseci kao dokaz o ispunjavanju općih i posebnih uslova.**

**Dostavljeni dokumenti se neće vraćati.**

Napomena: Uvjerenje/potvrda poslodavca o radnom stažu mora da sadrži naziv radnog mjesta, stepen stručne spreme za radno mjesto, detaljan opis posla koji daje podatak o radu na fiskalnim uređajima i vremenski period obavljanja istog ili Uvjerenje nadležnog Zavoda za penzijsko i invalidsko osiguranje sa šifrom zanimanja. /Dostavljanje same radne knjižice/kopija, i/ili ugovora o radu/volontiranju/djelu ne mogu poslužiti kao relevantan dokaz o radnom stažu na obavljanju poslova. Također uvjerenje o uplaćenim doprinosima se neće priznavati kao dokaz za traženi radni staž./

Ukoliko su kandidati promijenili prezime dužni su dostaviti Izvod iz matične knjige vjenčanih.

### **Dokumentacija za poziciju pod rednim brojem 1.**

- a) Svojeručno potpisanu prijavu na Javni oglas sa kratkom biografijom i obavezno naznačenim ličnim podacima (jasno napisano ime i prezime, adresa stanovanja, telefon i e-mail adresa);
- b) Uvjerenje o državljanstvu (datum izdavanja dokumenta ne smije biti stariji od šest mjeseci od dana objave Javnog oglasa);
- c) Rodni list;
- d) Izjava ovjerena od strane nadležnog organa-općina ili notar da kandidat nije otpušten iz organa državne službe kao rezultat disciplinske mjere na bilo kojem nivou države ili entiteta u periodu od tri godine od dana objavljivanja javnog oglasa za popunu upražnjene pozicije;
- e) Izjava ovjerena od strane nadležnog organa-općina ili notara da se na kandidata ne odnosi član IX.1.Ustava Bosne i Hercegovine;
- f) Uvjerenje od Općinskog suda da se protiv kandidata ne vodi krivični postupak;
- g) Diploma/svjedočanstvo o završenoj srednjoj školskoj spremi III/IV stepena;
- h) Potvrda/uvjerenje poslodavca o posjedovanju najmanje šest (6) mjeseci radnog staža.





**KANTON SARAJEVO  
Kantonalna javna ustanova  
za zaštićena prirodna područja  
VII PRIORITET PRI ZAPOŠLJAVANJU**

**CANTON SARAJEVO  
Cantonal Public Institution  
for Protected Natural Areas**

Priroitet u zapošljavanju ostvaruju branioci i članovi njihovih porodica pod čim se podrazumijevaju lica iz člana 1. i 2. Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, broj 18/21 – Novi prečišćeni tekst), bez obzira na godine života dok su u skladu sa propisima iz oblasti radnih odnosa sposobni za rad. Prednost pri zapošljavanju ostvaruju: članovi porodica šehida/poginulih, umrlih i nestalih boraca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca poginulih umrlih i nestalih dobitnika ratnog priznanja i odlikovanja, branilac, demobilisani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo.

Naprijed navedena lica imaju pravo na prvenstvo pri zapošljavanju, a na evidenciji su JU „Služba za zapošljavanje Kantona Sarajevo“ ili su zaposlena sa nižom stručnom spremom od one koju posjeduju ili su zaposlena na određeno vrijeme. Radi ostvarivanja prava priotiteta pri zapošljavanju kandidati trebaju dostaviti:

- dokaz o statusu korisnika prava;
- dokaz da su na evidenciji JU “Služba za zapošljavanje Kantona Sarajevo” – uvjerenje ne starije od datuma objavljivanja ovog Javnog oglasa;
- dokaz da su zaposleni na određeno vrijeme – potvrda/uvjerenje poslodavca kojim se dokazuje da je radni odnos zasnovan na određeno vrijeme ne starija od datuma objavljivanja ovog Javnog oglasa;
- dokaz da je zaposlen sa nižom stručnom spremom od one koju posjeduju sa obaveznim podatkom o stepenu stručne spreme s kojom je radnik zasnovao radni odnos, - potvrda/uvjerenje poslodavca ne starija od datuma objavljivanja ovog Javnog oglasa.

Prioritet u zapošljavanju kandidati dokazuju odgovarajućim dokumentima (potvrda, potvrda s biroa, uvjerenje, rješenje i sl.) koje prilažu prilikom prijave na Javni oglas.

### **VII.1. Popis dokumentacije kojom se dokazuje status korisnika**

U skladu s Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“ br. 37/20) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (“Službene novine Kantona Sarajevo”, br.37/20, 27/21 i 28/21), u svrhu dokazivanja pripadnosti datoj kategoriji potrebno je dostaviti:

| R/b | Pripadnost<br>kategoriji<br>branilačkoj   | Naziv dokaza - dokumenta  | Organ koji ga izdaje   |
|-----|---|---|--|
| 1   | Član porodice šehida/poginulog, umrlog i nestalog branioca  | - uvjerenje o statusu djeteta šehida /poginulog, umrlog i nestalog branioca<br>- rješenje o priznatom pravu na porodičnu invalidninu za suprugu šehida/poginulog, umrlog i nestalog branioca<br><br>- uvjerenje o učešću u Oružanim snagama za šehida/poginulog, umrlog i nestalog branioca | Općinska služba za boračko-invalidsku zaštitu.<br><br>Grupa za pitanja evidencija iz oblasti vojne obaveze prema mjestu prebivališta       |
| 2   | Ratni vojni invalid   | Rješenje o priznatom svojstvu ratnog vojnog invalida  | Općinska služba za boračko-invalidsku zaštitu  |
| 3.  | Dobitnik ratnog priznanja i odlikovanja   | Rješenje o priznatom pravu na mjesečno novčano primanje dobitniku priznanja   | Općinska služba za boračko-invalidsku zaštitu  |
| 4.  | Demobilizirani branioци i demobilizirani branioци dobrovoljci   | Uvjerenje o učešću u Oružanim snagama   | Grupa za pitanja evidencija iz oblasti vojne obaveze prema mjestu prebivališta   |
| 5.  | Dijete:<br>a) ratnog vojnog invalida<br>b) dobitnika ratnog priznanja i odlikovanja<br>c) demobiliziranog borca | Uvjerenje o statusu djeteta ratnog vojnog invalida Rješenje o priznatom pravu na:<br>a) invalidninu<br>b) mjesečni novčani dodatak<br>c) uvjerenje o učešću u Oružanim snagama  | a) i b) Općinska služba za boračko-invalidsku zaštitu<br>c) Grupa za pitanja evidencija iz oblasti vojne obaveze prema mjestu prebivališta |
| 6.  | Supruge ratnih vojnih invalida  | Uvjerenje o statusu supruge ratnog vojnog invalida - Rješenje o priznatom pravu na:<br>a) invalidninu<br>b) mjesečni novčani dodatak<br>c) uvjerenje o učešću u Oružanim snagama - dokaz o bračnoj zajednici s ratnim vojnim invalidom  | Općinska služba za boračko-invalidsku zaštitu  |

Također ukoliko kandidat ispunjava uslove u skladu sa Uredbom o izmjenama i dopunama Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 27/21) kojim je obuhvaćena i kategorija supruga ratnih vojnih invalida, te kandidatkinje ukoliko ostvaruju pravo po navedenom osnovu pored dokaza koji su navedeni u tački 6. tabele dužni su dostaviti i original ili ovjerenu kopiju Izvoda iz matične knjige vjenčanih.





**KANTON SARAJEVO**  
Kantonalna javna ustanova  
za zaštićena prirodna područja

**CANTON SARAJEVO**  
Cantonal Public Institution  
for Protected Natural Areas

Isto tako ukoliko kandidatkinja ispunjava uslove iz Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo a promijenila je prezime obavezna je dostaviti dokaz o istom, odnosno izvod iz matične knjige vjenčanih.

## VIII OSTALE INFORMACIJE

Prijava kandidata mora da sadrži sve dokaze o ispunjavanju uslova za poziciju za koju se kandidat prijavljuje, a za koje je naznačeno da se obavezno dostavljaju uz prijavu. Prijava na Javni oglas dostavlja se u zatvorenoj kovrti s naznakom: „**NE OTVARAJ - PRIJAVA NA JAVNI OGLAS ZA PRIJEM U RADNI ODNOS NA NEODREĐENO VRIJEME NA RADNO MJESTO POD REDNIM BROJEM 1 RADNIK NA NAPLATI ULAZA U PODRUČJE SPOMENIKA PRIRODE “VRELO BOSNE“**“

Prijava na javni oglas dostavlja se preporučeno putem pošte ili lično na protokol na adresu Kantonalne javne ustanove za zaštićena prirodna područja, ulica Branilaca Sarajeva broj 28, 71000 Sarajevo.

Neblagovremene, nepotpisane, neuredne ili nepotpune prijave kao i dokumentacija koja nije original ili ovjerena kopija neće se uzeti u razmatranje.

Uvjerenje o fizičkoj i psihičkoj sposobnosti za vršenje poslova navedenog radnog mjesta izabrani kandidati su dužni dostaviti po konačnosti Odluke o prijemu u radni odnos, a prije potpisivanja ugovora o radu.

Komisija za provođenje Javnog oglasa će pisanim putem tj. putem maila koji navedu u prijavi i putem web stranice obavijestiti kandidate koji ispunjavaju uslove, zatim o terminu polaganja pismenog i usmenog ispita, za poziciju 1.

Termini polaganja pismenog i usmenog ispita biće objavljeni i na internet stranici Kantonalne javne ustanove za zaštićena prirodna područja [www.zppks.ba](http://www.zppks.ba).

**Javni oglas je otvoren 10 kalendarskih dana od dana objavljivanja na internet stranici Kantonalne javne ustanove za zaštićena prirodna područja i JU „Službe za zapošljavanje Kantona Sarajevo“, odnosno od dana objave Obavijesti o javnom oglasu u dnevnim novinama „Oslobođenje“.**

Javni oglas ostaje objavljen na internet stranici u čitavom periodu roka za prijavu.

Poslovnik o radu Komisije objavit će se na internet stranici Kantonalne javne ustanove za zaštićena prirodna područja [www.zppks.ba](http://www.zppks.ba).


U skladu sa članom 6. stav (2) Uredbe o postupku prijema u radni odnos u javnom sektoru na teritoriji Kantona Sarajevo („Službeni novine Kantona Sarajevo“, br. 19/21 i 10/22) u dnevnom

listu „Oslobođenje“ objavljena je Obavijest o javnom oglasu, a puni tekst javnog oglasa objavljen je na internet stranici Javne ustanove „Služba za zapošljavanje Kantona“ [www.szks.ba](http://www.szks.ba) i internet stranici Kantonalne javne ustanove za zaštićena prirodna područja [www.zppks.ba](http://www.zppks.ba).

Kandidati mogu sa web stranice Poslodavca preuzeti pitanja i listu propisa i literature iz oblasti iz koje će se polagati pismeni ispit.

Pitanja, lista propisa i literatura iz oblasti iz koje će se polagati pismeni i usmeni ispit za radno mjesto Radnik na naplati ulaza u područje Spomenika prirode “Vrelo Bosne” će se objaviti na službenoj web stranici Poslodavca [www.zppks.ba](http://www.zppks.ba)

Kontakt-telefon osoba zaduženih za davanje dodatnih obavještenja je 033/ 201 112.



Dostaviti:

- Komisiji
- U spis predmeta